

首經謝過品

修真之要寡過為先過之不悛去道遠矣雖行持符法未至上道之階使為行不檢亦豈足以折伏鬼神況於進拜表章濟度幽顯哉

功過之司毫分无失晉許遠遊迹山林勤心味道漸入真品而三官都禁違周防等出丹簡罪簿以詰之曰夫欲學道慕仙上隸真人玄心棲逸恭誠高靈者當得世功相及禍惡不構陰德流根仁心上達乃可步真索仙度名青府耳由此言之未及許遠遊者其可不知寡過自修耶奉法行持求仙學道所當悔懲已往之愆犯積累方來之功勤故玄綱論曰過惟改而不復為功惟立而不中倦是謂日新其德自天祐之儻口行新謝之科心乏省愆之念首之前而作之後飾之外而敗之中然復若已勞形瞻星禮月持齋奉戒焚香誦經亦為徒設矣有大言眩世則云罪之不積惡之不為豈須懺謝斷棄教科此只矯激太過從容中道無過不及所宜悔至於心

知答必省依經奉教按格行科削罪目於三官五帝之司上生名於十極九霄之境立功不怠舉形仙飛固有分焉亦無自阻有者著多成事也

謝過

每歲除秋分一日外常以三元八節本命生辰甲子庚申及諸良日入時室或官觀山澤靜潔去庭焚香專志省答思愆先於壇側端坐而坐深念生世以來所行所作无非愆犯不善云多戰兢自艾恨不剖心懇請普母復為今茲慚愧措身无地方振水而起整肅形神登壇啓告无壇虔立香案展壇布行用入戶誦呪上香如法祈謝之儀早以東為始夜以此為始分五方儀念本合置立科儀發壇循格至三上香後方行禮方如自然朝儀但此等事以密為高兼獨行朝修不宜繁瑣故今止編四方謝罪之文損益隨事之宜爾

先祝香

道香德香无為香无為清淨自然香妙洞真

香靈寶慧香超三界香玉境具香滿瓊樓玉京遍周天法界以今焚香供養

虛无大道三境天尊昊天上帝紫微北極大帝紫微天皇大帝后土皇地祇三十二天帝君萬天上帝上清十一曜星君中天北斗七元星君天地水三官帝君北極四聖元帥真君靈寶五師具君四方二十八宿星君三界

五帝大魔王十方无極飛天神王北陰酆都大帝東震扶桑大帝五嶽五天聖帝洞天福地名山靖治主録仙真聖衆三洞四輔法籙

中靈官將吏三界官屬一切威靈仗此香雲普伸供養玉華散景九炁凝煙香雲密佈徑

衝諸天侍香金童傳言玉女上聞帝前令臣關啓咸得如言具法位且恭以今良日肅潔

洗心祈具告道先伸上祝

皇朝社稷宗廟先靈駕景九霄垂休萬葉

今上皇帝基圖永久祚業昌隆聖壽等於乾坤德教均於造化萬方向善百穀咸豐有識

有知悉悟至真之道无違无極共躋榮樂之鄉大教興行正法无教敢伸凡願上冒

宸嚴且下情元任職就懼懼激切屏營之至  
謹啓以聞

唱方

且某志心皈命東南西北四維上下十方靈  
寶天尊三十二天上帝周天二十八宿星君  
天真上聖五嶽真君山川河海洞天福地一  
切神仙諸靈官

次向北方三拜長跪

重以東方為始  
夜以北方為始

具位臣某志心皈身皈神皈命北方東北  
方无極太上靈寶天尊北方八天帝君北方  
高真上聖斗牛女虛危室壁七宿星君北嶽  
恒山黑帝真君北方洞天福地山川河海一  
切真靈北鄉神仙諸靈官臣聞大道垂慈啓  
悔愆之路高真設化開謝罪之科若非請命  
以析恩豈獲釋愆而違謹伏念臣愚庸賤品  
蠢陋凡資帝決真風叨逢道運久膺法錄冒  
玷簪裳不能勉強以立功乃復因循而造罪  
莫知檢束罔謹操修所慮萬懼惟會昔亡往  
遊暨臣十生累劫宿世先因爰至今身謀用  
之間舉室親姻之衆造諸元惡成彼深愆无

量无邊難名難述結在天曹地司之內著於  
日月星辰之宮永劫不原終天无解懼其報  
至恐及禍萌以今皈命首陳盡祈消洗伏願  
天垂恩宥道啓慈憐萬聖流祥衆真錫慶教  
臣九玄七祖以及感身萬劫千生至于今日  
滔天重罪蓋世深愆消滅惡根削除罪籍庶  
使臣早成正道獲際真師身世安樂誅徒俗  
解身寧泰更新祈祖宗神識師友魂靈已遊觀  
姻先亡眷屬長居快樂永遠道通六道三塗  
四生萬類俱蒙拯度悉被陶成臣无任慚悔  
禱祈激切之至謹言

次向東方

具位臣某志心皈身皈神皈命東方東南方  
无極太上靈寶天尊東方八天帝君東方高  
真上聖角亢氐房心尾箕七宿星君東嶽泰  
山青帝真君東方洞天福地山川河海一切  
真靈東鄉神仙諸靈官臣聞前  
云同前  
次向南方  
具位臣某志心皈身皈神皈命南方西南方  
无極太上靈寶天尊南方八天帝君高真上

聖并見柳星張翼軫七宿星君南嶽衡山赤  
帝真君南方洞天福地山川河海一切真靈  
南鄉神仙諸靈官臣聞前  
云同前

次向西方

具位臣某志心皈身皈神皈命西方西北方  
无極太上靈寶天尊西方八天帝君高真上  
聖奎婁胃昂畢紫參七宿星君西嶽華山白  
帝真君西方洞天福地山川河海一切真靈  
西鄉神仙諸靈官臣聞前  
云同前

次向中央

具位臣某志心皈身皈神皈命上方下方无  
極太上靈寶天尊三景九霄大羅无極三十  
六天帝君五老上帝天曹主宰无鞅高真羅  
鄴陰境十地真靈三十六土皇君中央嵩山  
黃帝真君中央洞天福地山川河海一切真  
靈上鄉下鄉神仙諸靈官臣聞前  
云同前  
次歸位對席  
志心稽首禮太上无極大道  
志心稽首禮三十六部尊經  
志心稽首禮玄中大法師

次啓白

臣某謹重誠上啓無極大道上帝高真三界威靈十方衆聖以今歲愆謝過入靖修真獲遂陳請仰祈大宥伏願陰曹削罪仙府書名道邁至人學无魔誡臣敢不益堅善念深悟

前非願契道真永休冲廢十方共慶九祖蒙休爲上因緣念十方靈寶天尊无量不可思議功德

次出戶如常式

靈寶自然朝先啓聖次禮十方次懺悔三禮次回向念善令五方謝過即靈寶自然朝之餘意止以五方者貴其簡而易行不舉玉音梵唱貴其精照感格奉道修真之士不問法儀高下悉可按行久久行之內加痛者則罪滅福生成真得道

三元八節朝真謝過科

先拍上帝訣念入戶呪地戶丁立望天門開蒸潔念呪

朝八戶法師向地戶右叩首三通  
功曹一人通真使者一人  
言玉女二人侍增玉女二人

呪曰

四明功曹通真使者傳言玉童侍靖素女爲臣道遠道室正神上元生炁降入臣身

呪畢入戶先左足入

夜入戶入戶同前老子存思曰存見四上功曹一人龍虎使者

呪曰

四上功曹龍虎使者正一生炁侍靖素女夜有啓請願得開明童子上玄少女與臣俱入黃房之裏通達所啓皆使上聞

三禮執爐啓聖畢宣科

臣伏聞一炁開機握化機於渺邈三天落範張玄範於洪濛五千四百科文下敷塵世三十二天梵炁上總玄綱思禍福之无門察盈虛之有數流傳法籙開度天人道出鶴鳴正

一演修真之化功標龍漢混元垂出世之文大道難名純誠可格以今吉日清堂朝真謝過伏願金童敷席玉女典香上聞妙有之庭徑御虛无之境蕭蕭鳳吹龍神敷碧落之歌渺渺騰騰雨騎森丹旗之衛七與八轡泛灑

炁以浮空三界十方燭靈暉而蕩穢伏念某玄關下士赤券初階受穢生形稟賦性背違科教稔積愆非謹按仙科式陳松範伏願玉京帝主金闕師尊普降庖恩選施需澤開厥自新之路處其可赦之科曠蕩沉愆廓清紛累降以太元之炁合成靈寶之軀鍊骨續筋留形住世恩歸祖禰剋獲飛升惠及寬親咸蒙和釋千愆萬過一念消除八難七傷四時解散修功有漸進道无魔一炁資扶百靈挾佑願遂登真之契常陪仙侶之遊與道合真形神俱妙謹稽首再拜

次長跪懺悔

臣志心皈身皈神皈命三清化主十方靈寶天尊无量度人經中聖衆念臣爰從往劫以至今生三業六根五情七慾宿殃往業定錄玄科陽過陰愆名書黑簿以今懺悔願悉消除伏願洪靈洞照丹闕垂慈錫命行尸流恩朽骨胞原解結七祖飛昇心境无塵障魔消散皈依大道滌蕩沉愆禍成滅於无邊功善加於一切得道之後升入无形與道合真

次發十大願呪曰

三清玉帝 三素元君 太上高靈 仙都大神  
 今日吉慶 所願開陳 上願飛霄 長生神仙  
 中願天地 合景飛雲 下願五嶽 與身長存  
 四願七祖 解羅怨愆 五願帝君 斬伐胞原  
 六願世世 智慧開明 七願魁鬼 斬滅六天  
 八願開徹 通幽達靈 九願一會 莫不如言  
 十願飛仙 上朝三元

次回向

稽首靈寶洞玄主无量度人真道師道包天  
 地无得名法貫陰陽不思議隨緣應化救群  
 品超越三界及十方巍巍无上功德山歸心  
 念念无休息今日所佩秘法上消於天災劫  
 運下度於兆庶人民迴屍起死以完形救病  
 除殃而輔正功圓行滿早吞金液之丹心了  
 神靈進受玉皇之詔為上良因念十方靈寶  
 天尊

朝出戶出地戶早四身西境叩三  
通存玉女一人  
 呪曰  
 出陰入陽萬神開通 關啓事畢請閉黃房

侍靖玉女明倫神宮

呪畢出戶先右足出  
 夜出戶出地戶早四身西境叩三  
通存玉女一人  
 呪曰

玄上太陰八意開明 向有所啓 少女通靈  
 事畢復位萬神潛寧

每日入靖燒香朝禮儀

先兩手玉清訣握固存神叩齒丁立面天  
 師而誦呪曰

天書數羅下頌太微 元化主神靈煙九回  
 八景六周 皇運所持 左賓青方 右啓帝妃  
 南昌大人 灌煉辟非 併軒亦明 開發真機  
 今日大慶 萬道同皈 合併正炁 保天无災  
 普告三界 驛龍風馳

祝香啓聖

切念臣早廁玄關風依黃老受大道之麻蔭  
 寓真館而止棲慚无十善之因以贊六道之  
 惠自披玄褐幾易歲華未能感激於神明動  
 則輕違於戒律初勤後怠有始无終奉法或  
 邪行仁不正燒香失節存叩違科慮三彭暗

恭於愆辜六府明書於罪目特傾丹款仰扣  
 虛无析罪惡以原除冀衍壽而釋散名全上  
 善命合長生玄功積累於三千丹藥早達於  
 九轉黃籙白簡消死魂而上生名金闕玉京  
 有昇進而无退降仙曹紀善鬼錄除殃八景  
 金書得鍊炁僭具之術五文玉篆獲長生久  
 視之功法屬安寧館舍光顯金木火之厄  
 永不驚傷青黃白黑之災俱希蕩散更冀是  
 非兩遣衣食自然魔障不生憂患不至上報  
 君師父母之恩下濟幽陰沉滯之苦驅邪輔  
 正興教立功百靈皈依萬神擁伏形神俱妙  
 與道合真

靈寶元皇度人上經大法卷之二十七